

P.U. (A) 129.**AKTA PERBADANAN INSURANS DEPOSIT MALAYSIA 2011****PERATURAN-PERATURAN PERBADANAN INSURANS DEPOSIT MALAYSIA
(SISTEM PREMIUM BERBEZA BERKENAAN DENGAN ANGGOTA
PENANGGUNG INSURANS) (PINDAAN) 2020**

PADA menjalankan kuasa yang diberikan oleh perenggan 209(1)(a) dan seksyen 77 Akta Perbadanan Insurans Deposit Malaysia 2011 [Akta 720], Perbadanan, dengan kelulusan Menteri, membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Perbadanan Insurans Deposit Malaysia (Sistem Premium Berbeza berkenaan dengan Anggota Penanggung Insurans) (Pindaan) 2020**.
(2) Peraturan-Peraturan ini berkuat kuasa mulai tahun taksiran 2020.

Pindaan peraturan 4

2. Peraturan-Peraturan Perbadanan Insurans Deposit Malaysia (Sistem Premium Berbeza berkenaan dengan Anggota Penanggung Insurans) 2012 [P.U. (A) 496/2012], yang disebut “Peraturan-Peraturan ibu” dalam Peraturan-Peraturan ini, dipinda dalam subperaturan 4(1) dengan memasukkan selepas perkataan “tahun taksiran” perkataan “atau pada apa-apa tarikh lain yang ditentukan oleh Perbadanan”.

Pindaan peraturan 6

3. Peraturan 6 Peraturan-Peraturan ibu dipinda dengan memasukkan selepas perkataan “suatu tahun taksiran” perkataan “atau pada apa-apa tarikh lain yang ditentukan oleh Perbadanan”.

Pindaan peraturan 7

4. Peraturan 7 Peraturan-Peraturan ibu dipinda dengan menggantikan perkataan “pada atau sebelum 15 Mei setiap tahun taksiran” dengan perkataan “dalam tempoh lima belas hari selepas tarikh akhir anggota penanggung insurans itu dikehendaki untuk mengemukakan maklumat kuantitatif di bawah subperaturan 4(1)”.

Pindaan peraturan 8

5. Subperaturan 8(1) Peraturan-Peraturan ibu dipinda dengan memasukkan selepas perkataan “tahun taksiran itu” perkataan “atau dalam apa-apa tempoh lain yang ditentukan oleh Perbadanan”.

Pindaan Jadual

6. Jadual kepada Peraturan-Peraturan ibu dipinda dalam susunan dalam perenggan 14, berhubung dengan “Taksiran Maklumat” dalam ruang (1), dengan memasukkan selepas perkataan “tahun taksiran” di mana-mana juga terdapat perkataan “atau pada apa-apa tarikh lain yang ditentukan oleh Perbadanan”.

Dibuat 17 April 2020
[PIDM/PN/4/2020; PN(PU2)689/VI]

TAN SRI DR. RAHAMAT BIVI YUSOFF
Pengerusi
Perbadanan Insurans Deposit Malaysia

Diluluskan 24 April 2020
[MOF.SID(S)700-1/2/25; PN(PU2)689/VI]

TENGKU DATO' SRI ZAFRUL TENGKU ABDUL AZIZ
Menteri Kewangan

[Akan dibentangkan di Dewan Rakyat menurut subseksyen 209(4)
Akta Perbadanan Insurans Deposit Malaysia 2011]